

事件代論

二月二十九日

記廣東紳商籌辦鐵路事

初十日爲特別會議之期是日在愛育善堂集議提出問題四條

第一條前期陳惠普君獻議創辦入資格其意欲十五日以前交小股踴躍應否照陳君之議舉行抑由各行各堂担任設法催交（衆議由各行各代表員設法催交）

第二條初九日由鐵路公司交來銀三十元備支費用但常川駐所辦事各位多謂願當義務自備膏伙將來費用均派（衆決議常川駐所辦事各員膏伙由九善堂先行墊出俟本公司辦後如數交還）

第三條馮達臣承衆公推爲鐵路書記員事關公益願當義務不授修金繕校呂梁諾琴亦表同情（決議梁馮二君照修金）

第四條初七日岑督照會總商會因黃沙至高唐幹路一段刻未竣工計需銀六萬元左右便可行車並延聘日本工程師小松氏訂六箇月每月薪水伙食三百六十元官擬籌款興築將來商股集成接辦所用官款即由商股如數歸還等語現在應否由商小股先墊六萬餘元稟請接築請決定（衆云此款下日再議）十二日集議各案如下

第一條擬獎勵應期交小股之條款十則（衆議請諸君先行研究俟十五決議）

第二條催各行未舉代表員從速公舉（衆議先派傳單請刻日公舉如十八以前再未舉定即作各行不舉代表一切費公由已舉定之代表權理另登各報告白）

第三條現所租商會對門之馮宅地方迫狹公議暫借愛育堂爲鐵路辦事公所辦事各員應歸併一處前交馮宅按櫃銀單五百兩應擬搬設之日將軍取回註銷（衆均認可并定期十七八日搬遷未搬遷以前先粘條於馮宅門首另登各報告衆週知）（最後潘贊清反對遂將此條作廢云）

第四條宣佈添請辦事各員（衆議辦事各員除盛簡生未署薦人名字外皆決議暫用一月期滿再行投筒公定）



擬獎勵應期交小股之條款列左

- 一議招招股章程認股二萬份爲總理一萬份爲協理五千份爲董理二千份爲議員
- 一議本月十五爲第一次交小股截算之期各代收小股善堂卽於是日截算十八日當衆宣佈
- 一議十五日以前所交小股者二萬元卽定爲總理一萬元卽定爲協理五千元卽定爲董理二千元卽定爲議員
- 一議各行頭各善堂於十五以前交到認股二萬元者可舉代表總理一名交一萬元者舉協理五千元者舉董理二千元者舉議員(如過三萬元之外加舉協理一名餘類推)
- 一議此等總協理卽爲權理人董理議員由衆公推亦可爲權理人以符股東主持辦理原議
- 一議定議事時總理協理董理議員之座位
- 一議十六日以後交小股者須俟三月十五日截算方能定總理協理董理議員之名目
- 一議各行頭各善堂如有十五以前不交小股或交不及二千元者須俟三月十五方能舉代表員
- 一議招股者仍須股東認爲代表方可爲總理協理議員
- 一議如何方可爲創辦人俟十八日各總理協理等公議決定或設董事局

譯電

威士元之榮行○西三月二十二號路透電云(威士元喀加斯)離倫敦時在火車站送行者擁擠異常有名望之人相率登臺演說以榮其行(巴靈洞)公爵亦在其列代表者爲(過窩忌里)君及(藍士多)公爵  
搶劫銀行○同日又電云俄國舊京莫斯科白晝竟有匪徒二十人持械闖入銀行行劫將辦事人嚇禁一隅搜掠八十五萬盧布逍遙而逸  
俄國不認與法同盟○同日又電云柏林泰晤士報云俄國(南士多夫)伯爵電告摩洛哥會議之俄國代表人畧謂德國報告各國稱德國所議條款俄國必表同情又俄國將與法國聯盟等語我俄國政府必不承認此言云云  
摩利斯自稱確係土王云云○同日又電云冒充土耳基王(摩利斯)照會阿爾支士拉士會議摩國問題之各國代表人自稱確係土王云云

要緊新聞

實行禁止虐待華工○同日又電云禮拜二晚(即西三月二十號)英國議院開議定虐待華工之罪並一面與南非洲訂立和約保全該處權利所議一切改良辦法政府已允准照行

電請禁設捐輸局○奉天來電云日人在成遠堡設立捐輸局奉天趙留守特電致外部請電飭駐日楊公使向日本外部交涉務必設法禁阻云云

奏請簡練兵○御史李灼華近日上一摺奏謂練兵處宜簡大員專司訓練該摺聞已留中  
限制洋人置買地畝○上海專函云南洋大臣周玉帥制訂滬道限制洋人在租界外置買地畝不與稅契德領事以此舉實與條約不符因將原割抄送駐京德穆使請向外部交涉

戶部解到軍機處津貼○軍機處津貼已于本月二十六日由戶部解到自後每月均按是日領給惟小軍機每名應得若干現時尚未酌定云

俄八代收營口稅數目○俄軍占領營口時曾將該處關稅代收聞除日前提撥之外尙存一百六十餘萬釐金十餘萬  
議覆皖省開設官錢局○皖撫誠中丞日前奏請開辦官錢局一摺現經財政處會同戶部核議已于昨日覆奏奉旨依議

鄂都統撫輯難民○黑龍江程留守以愛理一帶地方被難華民甚衆日前奏派鄂都統前赴該處撫輯難民現已由外部照會俄使璞科第請電飭該處俄官照約接待云

粵漢鐵路認股可至四千萬元○頃接粵友函稱日前商會電稟商部已有商民認股可至二千萬元之說乃邇來省城四鄉外埠各商民認股異常踴躍約計其數當可至四千萬元但均聲明商辦則股銀卽交官辦則作爲罷論云

照請嚴辦教士○日前外部照會駐京法呂使謂擅殺焚稱之教士慘無人理請將該教士所管鹽井教務撤去并從嚴辦理云

擬廢礦章之交涉○魯紳欲將五處礦章全行作廢經楊蓮帥與該德商另訂合同八條查部核辦已迭紀前報現接青島來函云德商貝哈格已允將此項合同寄柏林總公司核覆俟覆到再來省續商方能定議云云



截止銅元進口○財政處電致滬道署謂清江湖北所定銀元已掃數清運只有蘇州未到銅元十萬担餘外一律不准進口

電催速結英紳賠償案○日前外部咨滇督謂英使照稱傳禮士賠償不必俟法國議定等語查英紳損失無多希分案速結云云

延聘洋員辦礦○石門產有煤油礦現陝甘總督延聘洋員林輔臣試辦已有摺到京奏明辦理矣

### 本京新聞

疏通舉貢生員出身新章○政務處奏定疏通舉貢生員出身辦法如下 十年內優貢照額加取四倍拔貢加一倍歲貢加數倍十年後即停止惟學堂內學生不得與考 舉貢生員准考充 署縣錄三年期滿准獎給實官照章分發

舉人拔貢優貢均以小京官用 舉貢之職職揀選者准另爲一班 舉人截取准以知縣 直隸州州同 鹽庫大使用 五貢准以按察經歷 府經歷 州判 縣丞用 生員准其考充巡檢典史遇考優年分由官考取

續議中俄條約○日前中俄兩使又復商議中俄條約所有撤兵及賠償中國損失兩問題均已議及聞中國已向俄國索還俄國占領牛莊時所收之關稅六十萬兩及釐金十萬兩譯字林西報

考政大臣之電告○考查政治大臣日前電達外部云刻抵德京擬暫緩行以德爲聯邦一切政治頗資採擇須詳細調查云云

電致駐荷公使調查漁業○商部日前電致駐荷蘭陸公使徵詳請其就近調查漁業以便七省漁業公司得以研究商部覆四省鐵路公所文○商部爲照會事光緒三十二年正月二十二日接據呈請覽琛等初擬設立四省公會原爲彼此調查互相研究起見所擬章程於四項路政之外概不干涉本以清界限而免流弊正與鈞部務實去名不事鋪張之意相合擬即不用公會名目自三十二年正月起設立閩皖浙贛四省鐵路公所遇有關係路政四項公同會議商辦事件先行呈請鈞部核示分別准駁奉文之後再行遵辦庶以仰副指示精詳之至意相應將遵改公會爲公所並設立日期呈報備核等因前來本部查該學士等設立公所研究路政於籌款用人勸工購料四大端既能守定界限不事鋪張深合實事求是之旨殊堪嘉尚閩皖浙贛四省既已不分畛域自當於路線之銜接商貨之交通順地之

宜因民之利鈞貫聯絡不致各爲風氣再能調查各國路政辦法擇善而從討論愈細取法愈精於相觀而善之中仍寓合力維持之意如此奮興鼓舞四省路政自堪計日觀成所有關於路務事宜仍應隨時呈報本部以憑核奪務期損益盡善克臻四方同軌之休風以竟貴紳等力保利權之初願本部實有厚望焉須至照會者

奉天將軍爲交涉事致外部及直督電○北京外務部天津袁宮保鈞鑒展日約宣布一切外交應就軌轍日人挾其軍政優利侵權迭與爭辯者約有三端一爲商務營口大東溝等處強買民地率至數里十數里將來劃界甚難而小販營業之日人千百層至與民人雜居貿易恐各國必將藉口鐵嶺擬設商品陳列所近且聞四五月間將於瀋陽開博覽會似此舉動置地主於何所營口電燈公司已由軍政署糾股購辦省城營口新民設立電話已及商舖奉新鐵路約定合辦而輕便鐵軌業已開車賣票木植公司尚未議合辦章程而鴨綠江一帶已擬設木材廠迫令入山伐木之人向其領票復州鹽灘強往運鹽不納捐項凡此均以軍政涉及商務者也一爲捐款新民車捐久由日人收取前與辨論尚有撤軍時照數歸還之說今昌圖軍政官大原又於昌圖府城小塔子通江口威遠堡等處抽收車捐安東沙河鎮捐尤繁瑣征及一口大率藉口於修路造橋此皆地方官應辦之事無庸爲我代謀此以軍政涉及商務者也一爲民事華人與華商討債或致函關說或口則兼擅我裁判權甚或往他處關提人證而海城蓋平本管之地方官反不能討債各處軍憲兵或遇案拘人判罰或凌逼委員此以軍政涉及民事者也現尙在撤兵期內軍權所及本與平交涉不無在我亦可認惟軍權亦有界限似此涉及商務捐款民事斷非軍權所應有爾異數月以來筆舌兩瘁迭與磋商之難 節揆厥所由亦有三故一軍人與外交官不同一味強權公法新約皆置不理一各處均有一軍政官不相統轄此推彼讓無一主腦一軍事未完祇有據理爭阻之法更無強之使從之力我方正與爭論彼已逕開辦職此數端以致事倍而功半輾轉思索惟有與鈞台籌商可否在京與內田公使議一軍權界限凡非與軍事有連一切商務捐項民人均不得干預則外間庶有辦法駐遼男爵大島按照舊約不得有總督名目而一切外可否逕與商辦此語亦須由田承認則彼始無詞奉省大局所關務乞鼎力維持不勝禱盼爾異叩助

### 各省新聞

各省新聞



趙將軍反對軍用手票○(東三省)日本現准將軍用票兌換正金銀行銀票仍得在滿洲流通一事趙將軍大為反對已向日本提出抗議

煙台俄領事索雷艇被擄償款○(山東)煙台俄領事近向東海關道議索前年七月日艦進口捕去魚雷艇償款甚急並據稱係奉該國海部外部命令現東撫電告其部部中正籌措對付

催理交涉案件○(山東)山東德領事赴撫院面稱州縣交涉案件未結者甚多擬請飭發洋務局勒限清理云云德領事已允為催辦

汴撫振興軍事○(河南)汴撫陳中丞雖調任蘇撫而履任之期一時未定大操一事仍為注意每月閱操六次刻又從歸德亳州一帶招得馬隊一營又委員赴鄂查軍事赴津調查大操測量情形赴彰德調繪地段詳圖等事聞人言中丞擬俟大操後始赴新任不知確否

遣散練兵示文○(江南)南京督練公所出示署謂炮隊新兵不合收練警察之用茲奉江督憲札飭一律裁撤特賞恩節兩關資遣回籍如不願回籍者准由本城殷實舖商具保在甯居住另覓生計爾裁兵嗣後務各安本分不得滋生事端倘敢違定照游勇按律懲辦決不寬貸

晉紳趕修鐵路之籌議○(山西)晉紳前議該省鐵路以同蒲為幹路東與正太相連南建太潞潞邯西建蒲靈北建同綏綏張各支路近因京張庫張鐵路已次第動工故目下紳商等集議擬先籌款趕築綏遠至張家口之支路冀早與京庫二處相聯以廣交通而收利權云

學堂附設工廠○(湖南)湘省藝徒學堂現經考驗湘省所產白石最夥宜製玻璃木革最繁宜治器具棉花宜於紡織桐茶宜於榨油爰擬招集股本十萬金每股五十兩附設工廠次第舉辦已經刊發簡章先招股銀一萬兩製造玻璃俟辦有成效即行推廣云

調查管莊之源流○(東三省)錦函云國初在遼西與明構戰至二十餘載人民逃散地盡荒蕪中原既定選派漢軍大糧莊頭二百十六名招佃開墾(此項莊頭皆係山東民人隨參將孔有德航海歸降風雨從公故派此差)至雍正四年分為四等各領官地五千畝至四千畝不等共領九十萬零五千八百八十四畝納糧之差以領地之多寡為斷嗣蒙古進馬三十六羣計驢驘共二萬一千六百匹自春徂秋游牧於大凌河等處冬至後歸各莊頭餵養馬草取

於衆佃豆料由錦屬各州縣經徵退園地內分撥光緒二十八年增將軍奏放大凌河牧廠將官馬變價所有各莊頭養馬之差折為交銀應交內務府每名至百一二十兩有差應交上駟院每名四一兩至六十兩不等此外尚有管莊所屬納糧莊頭四五名納銀莊頭十九名租莊頭四名歷年既久貧富失均收租之地或典或兌典者以假押物之謂兌即賣之別名官地不准私賣所兌者竭力工銀耳輾轉抵押戶與戶出此中糾葛甚多非西流圍荒可比稍一不慎輒未免向隅去年經廷用帥趙次帥榮摺奏請將各莊頭地一律丈放惟有帶地投充者只繳浮多銀兩諭旨既下此戶與嗟各莊頭糧有糧差銀有銀差一百餘年墾成之熟地一旦而奪之欲備價承領則無力及此如置之不問則家產蕩然至官與民之交涉莊與佃之交涉尤宜審慎是望於當事者之留意焉

### 各國新聞

奧總統接見澤公○(美國)二月十九日美總統羅斯佛與美外部大臣路君已一一接見中國出洋大臣路君言及中美兩國支吾之故實因彼此互相誤會所致譯字林西報

倫敦中華會館來函○(英國)坎畢利芝大學校於考取學生時向例有臘丁希臘及耶穌經等書華人游學英國者深苦其難而肄業此校者遂覺寥寥僕深惜之舊歲力爭其事頃得報告知華人已免考(指進校考)上列三項學科以華文英詩理學代之足見校長體貼之厚以後華生願來者不必畏難而退深恐國內同學未及洞悉請即乞列入報端以廣佈告為幸至該校為環球學問家萃聚之區近更於各種專學外加設政治理財等專門此人人能言之不復多贅

允准黑龍江鐵路之建設○(日本)日前黑龍江將軍程雪帥電請建設呼蘭城齊齊哈爾愛輝等處鐵路刻下各已允其所請云

俄欲添設領事署○(日本)俄國領事署之在日本者共四處而自日俄戰爭以來兩國商務益形緊要因之俄國有添設領事署於新瀉麻島哥敦賀等處之意云

滿洲會之出貨人員○(日本)自滿洲賽會之議既決以來日本商民爭先出貨刻下計出貨人員已及三千名之多中東京紳商之出貨者計九十五名云



義首相之言○(義國)卒林西報得倫敦電云義大利議院開會之日首相孫尼納氏聲明整頓南省章程無微不至

內有購買鐵路減輕地稅所以免民人遷徙也

鐵道五千英里之祝賀會○(日本)大阪函云日本鐵道協會定於西歷五月十九日在名古屋特開總會次日並於

該市御園座開鐵道五千英里之大祝賀會所需經費由官私各鐵道捐集計每鐵道一英里捐金六元總共約計三

萬元開一大大祝宴招待正賓各會社計鐵道百英里者一名並招待大賓主等

英人義舉○(美國)日本東北一帶饑饉美人釀資賑濟已見前報頃悉美大統領又募得第二次賑濟巨款寄入日

本赤十字社計四萬零二百八十九元兩角六分整該款業已分賑數處計宮城縣得二萬五千元零一角三分福島縣

得一萬二千零三十九元八角岩手縣得八千零二十元零五分整

練習艦隊之航程○(日本)東歷二月十五日練習艦隊橋立 松島 嚴島三艦從橫須賀軍港解纜上遠洋航海

之途預定於本年八月 十五日仍歸橫須賀軍港其航程凡一萬九千一百六十海里先從朝鮮北清南清之沿岸

經印度南洋 島然後再歸日本海其航海日數為一百九十餘日廿歲廿日數僅七十二日云

## 調查

日三十九年歲人歲出總豫算表

(續)

緯度觀測所

俸給及諸給

三七九四

廳費

九三九

修繕費

二〇〇

死傷給賜費

一

賠償及訴訟費

二九八

旅費

八〇〇

雜賠及雜費

計六〇三四

醫術及藥劑師試驗費

俸給及諸給

一九四四

廳費

二七八一

修繕費

一一〇〇

死傷給賜費

一

賠償及訴訟費

二

旅費

一七七七

雜給及雜費

二七九二一

病院費

三五九八九

計七一六一五

諸學校及圖書館支出費

東京帝國大學費

八一三二五六

京都帝國大學費

六六三一七一

東京高等師範學校費

一六二二二六

廣島高等師範學校費

一二七八二三

女子高等師範學校費

七七九二四

札幌農學校費

五三〇一〇

盛岡高等農林學校費

四六九九五

東京高等商業學校費

五二九五五

神戸高等商業學校費

四一八〇四

長崎高等商業學校費

三七八九一

山口高等商業學校費

一三三四六



專件

摘錄海鹽朱學使乙巳夏上樞府書

大抵外交之得策必先由於內政之改良。當此之時而欲變動天下之耳目固結天下之心思惟有籲請朝廷煥發德音明出矢言即日與天下臣民立憲而已。即以東事而論必先有人而後有土。昔者日人於二十一年歸我遼南於各報聲言曰金復海蓋之民醉心於日本之政治深惜日人之去爲繫其成績此其虛實雖未可憑然而聞疆沿海之民頗有聞台灣之治績而願爲之氓者。設使日人用其故智本其立憲之政策誘我東三省之民以權利自由之說利導而整齊之嚶咻而煦嫗之竊恐三百年來服嚙食德之民未必不服從他族如此則東三省之地名雖歸我而本實先亡矣。今日之事機間不容髮惟速予吾民以立憲使之團結一心翕聚羣力以民族之發達爲祖國之光榮如此欲觀我土地者亦難矣。且非獨東事得失爲然也。今者各省之中民智漸已開通民氣漸已強旺即如近日商民力爭路礦之權與夫禁銷美貨抵制美約頃已實行斯事我政府既不得而禁止之且可從而利用之此後交涉之事有大於此者皆可以羣力抵抗之夫實全國民之勢力不必言排外而以視向者排外之力已不啻什伯千萬然則我今日之國民不可謂之無立憲之資格也。往者我國家舉劾羣吏必以民情之嚮背輿論之從違爲斷夫使民情可恃輿論可憑則不可謂之無立憲之資格也。此則立憲之舉奚必俟之十二年後哉。且今日之事勢又豈能俟之十二年後哉。試證之西史英查爾斯第一不立憲而有克林威之亂法路易十六不立憲而有大革命之禍清教徒叛民也山岳黨尤叛民也使英法兩君當日許國民以立憲微特清教徒爲立憲之良民即山岳黨亦何不可爲立憲之良民民之良暴一視上之轉移而已安有所謂資格者哉。我中國之民視歐美各國號爲良善其性質亦近服從乃自大海風迴波謫雲詭而舊俗爲之一變矣其下者入籍籍從耶教爲商者揭洋旗爲工者貪僱值他若爲買辦爲西崽爲無論皆甘心爲奴隸牛馬者也至若上等社會士主排外之說者又大率有革命排滿之意見橫亘於中近者日興月盛昌言不諱其著作者大抵托之東洋版權不得而限制之法令不尋而禁止之盛於上海廣東以及江浙各處行於湖廣四川蜀其流且及於滇黔矣數年以後橫流不可復遏深恐事變之來不在外而在內也莫若立憲以後仿日本維新時頒發勅語明定宗旨使皆爲德意志之國家

學派同心協力以修明憲政蓋有下議員之設然後社會家合天下之人孰有出於憲法之外者哉。以視前制約束之爲相去遠矣是故立憲之國其君統愈固其君權亦愈尊英吉利立憲之祖國也昔之維多利亞尊之者以爲歐洲之女中堯舜矣日本立憲之新國也今之天皇睦仁尊之者以爲萬世一系之聖子神孫矣中國而立憲則我大清億萬年有道之長即基於此。行此之政所謂堅如金石信如四時無私如天地亦奚憚而久不爲哉。方今二十世紀世界之大勢民族帝國主義盛行此風潮之所趨順之者昌逆之者殃俄爲頭等強國而與區區四島之日本交綏竟至一敗塗地何則俄爲專制之國而日則立憲之國也立憲之國上下一心人自爲戰專制之國億兆離心驅之戰地則逃亡不暇甚至有自戕者蓋不待對壘而勝負已決。處今日而欲發憤爲雄何去何從斷可識矣。且立憲之政體非歐洲之所創而我三代以前之舊法也。記云爵人於朝與衆共之刑人於市與衆棄之書稱謀及庶人民獻十夫國有大事無不參合衆論孟子云國人皆曰賢國人皆曰不可國人皆曰可殺然後殺之不獨用舍之事一以國人爲准。古者兵隸於刑即兵刑大事必詢謀僉同而後決行。視歐洲立憲之政有以異乎無以異也。今日中國始行憲政後之作史者大書特書必曰自秦時廢棄古法至本朝始復唐虞三代之政其爲歷史榮譽有不駕漢唐宋明而上之者哉。稽之古制則如彼按之今時又如此立憲之有福利而無一害不待智者而明矣。諸公深謀遠慮明炳幾先度必早見及此而野人芹曝之忱有不能自己者敢復陳之。

再上樞府書爲請布告立憲事

敬啓者前上一函計邀鈞鑒伏聞五大臣出洋考察實爲立憲而設仰見朝廷旁稽政典俯順羣情銳意維新之至意竊惟我中國立憲較之日本爲易明治維新伊藤諸人赴歐美各國考察政治之時毫無主宰不免周章後經再三斟酌始定爲立憲帝國主義今日日本既行之而效矣我仿而行之更無所用其回惑且察各國立憲之初必先之以布告易所謂渙汗其大號也。日本明治五年即有萬幾決於公論之誓言至十年後而始決行茲事體大固當遠稽列邦之政近察國體所宜折衷於二者之間別白爲一尊之定五大臣此行自爲薄海臣民所共仰望惟當籲請宮廷斷自宸衷渙發德音即日布告天下以立憲之意使中外之觀聽一傾億兆之精神悉振即有強梁之輩反對之徒亦不敢逞其鬼蜮伎倆於光天化日之中紀綱振作於無形禍患消弭於不覺胥於此而得之証之東西故事則如彼按之我國內容則如此時乎時乎伏望諸公竭力贊成之天下幸甚管見所及不敢自默伏候採擇上聞隨穎不勝惶悚



宮門抄

二月二十八日工部 鴻臚寺 正藍旗值日無引 見  
召見軍機

本日已刻 皇太后 皇上升 政殿德國使臣穆默帶領提督佩恩勒 觀見

批摺摘由

二月二十六日

兵部奏山西巡撫恩壽應否兼提督印信請 旨事奉 旨著兼提督印信 又奏議覆河南拿辦陝洛會匪出力各員請獎事奉 旨依議 又奏議覆直隸總督李鳳岡補遊擊事奉 旨依議 又奏議覆雲貴總督李朝有等對調遊擊事奉 旨依議 又奏議覆陝甘總督秦博慶補都司事奉 旨依議 又奏議覆閩浙總督張文彪補都司事奉 旨依議 又奏議覆山東巡撫奏張錫臣補守備事奉 旨依議 又奏議新贛巡撫奏徐景星補守備事奉 旨依議 又奏奏軍營官兵議給卹典事單一件奉 旨依議 又奏核覆山西驛站錢糧報銷事奉 旨知道了 又片奏核覆清淮警務報銷事奉 旨知道了 又收支結費數目事奉 旨依議 又奏查明總兵楊忠義請廕錯誤據理更正應得革職留任處分可否寬免請 旨事奉 旨依議 又片奏議處提督馬玉崑以罰俸九個月公罪可否准其抵銷請 旨事奉 旨准其抵銷 刑部奏當月官榮厚請獎事奉 旨依議 內務府奏支放各處銀錢奏銷事奉 旨知道了 欽天監奏雷占奉 旨知道了 御藥房奏上年冬季藥價數目事奉一件奉 旨知道了 內務府奏月摺事奉 旨知道了 廣儲司蘇拉處官房租庫營造司造辦處各奏月摺均奉 旨知道了 茶膳房奏月摺奉 旨知道了

政務處三件

戶部奏考核各省三十一年徵收上忙功過奉 旨依議 又裁併錢廠客造爐匠及籌節經費擬請減領銅批飯銀奉 旨知道了 又寶泉局已裁東南兩廠大使仍請照章保獎一摺奉 旨依議

奏稿

岑春煊片 再廣西全省股匪一律肅清所有在事出力人員經臣於上年九月初一日開單 奏獎奉 旨該部議奏等因欽此查原單內開花翎指分四川試用同知李克昌原請免補同知以知府仍留原省補用茲據報稱該員於進克四川巴塘戡平邊亂案內已保免補同知以知府留川補用光緒三十一年八月二十九日奉 旨允准應更正底銜花翎四川補用知府李克昌擬請免補知府以道員仍留原省補用又單開揀選知縣李臨陽原請以知縣分省補用現據報稱該員先於光緒三十一年四月在奉天善後捐輸局由舉 報捐直隸州州同分省試用應更正底銜分省試用直隸州州同李臨陽擬請免補本班以知州分省補用又單開同知銜雲南補用知縣李世楷原請俟補缺後以直隸州知州補用現據報稱該員於雲南臨安勦匪案內已保免補本班以同知直隸州仍留原省補用光緒三十一年七月十七日奉 旨允准應更正底銜雲南補用同知直隸州知州李世楷擬請俟補缺後以知府補用俾昭激勵而免向隅除再飭取履歷咨部外謹會同廣西巡撫臣李 義附片具陳伏乞 聖鑒訓示謹 奏奉 硃批該部議奏欽此  
岑春煊片 再查廣西柳慶兩府屬地方上年游土各匪勾結竄擾蔓延數郡當經臣派委武巨軍統領王瑚率帶右旗勇隊前往助剿先後將首要各匪次第殲除地方肅清所有 軍在羅城三防一帶與匪接仗先後陣亡傷故將弁勇丁百餘名當經飭令該統領王瑚在於柳 地方擇地建立昭忠祠將陣亡將弁勇丁並殉難之三防主簿古桐保一併安設牌位附祀由地方官春秋致祭現在祠宇落成據署廣西布政使張鳴岐詳請具 奏前來臣覆查無異合無仰懇 天恩俯准飭部立案將武巨軍陣亡傷故將弁勇丁以及殉難之三防主簿古桐保一併附祀昭忠祠由地方官春秋致祭以垂久遠而慰忠魂除咨部查照外謹附片具陳伏乞 聖鑒訓示謹 奏奉 硃批著照所請禮部知道欽此  
戶部謹 奏為遵 旨議奏事雲貴總督丁振鐸奏滇省防邊善後銜封等捐輸並七項常捐請再展展兩年附片一件光緒三十一年十二月二十日奉 硃批戶部議奏欽此欽遵由內閣抄出到部查原奏內稱滇省前因防邊善後需款浩繁奏請開辦銜封貢監翎枝等捐輸並收七項常捐經部議准奏奉 諭旨欽遵辦理現已兩年限滿收數無多滇本省受協省分各省協餉或停或減進款有限出款日增臨安之欠餉未清而本年巧家維西等處復疊遭變亂添兵勦辦需餉愈繁加 省城及蒙化尋甸浪穹等廳州縣先後被水成災民情困苦萬狀賑撫兼籌無可羅掘此項捐輸萬



難位限停止據雲南布政使劉春霖會同善後局司道詳請自二十二年三月初六日限滿之日起再展兩年一切章

程俟款悉仍照舊等情前來臣覆查無異合即仰懇 天恩俯念滇省邊瘠籌款維艱再准展辦捐輸兩年俾資接濟

等語臣等伏查光緒二十九年十月間臣 覆覆雲貴總督丁振鐸奏滇省防邊善後需款浩繁請援照四川賑捐開辦

籌餉善後銜封貢監翎枝及七項常捐予限兩年等因奏准行知遵照在案茲據雲貴總督丁振鐸奏稱滇省需餉愈繁

賑撫兼籌無可羅掘此項捐輸萬難依限停止請再展兩年等因臣等查該督所奏尚係實在情形擬請將該省籌餉

善後銜封等項並七項常捐暫准展辦取捐一年一年限滿即行停止所有遵議緣由謹恭摺具陳伏乞 皇太

后 皇上聖鑒謹 奏光緒二十二年二月十四日奉 旨依議欽此

戶部謹 奏為續借洋款訂明釐金作抵循案將各該省所短釐金照數撥補恭摺 仰祈 聖鑒事竊查續借英德商

款前經奏准以七處釐金作抵內蘇州省釐八十萬松滬省釐一百二十萬九江省釐二十萬浙東省釐一百萬宜昌鹽

釐並萬戶沈加價一百萬鄂岸鹽釐五十萬皖岸鹽釐三十萬共釐金五百萬均自光緒二十四年閏三月十三日起由

稅司代徵抵還洋款惟前項釐金業已指明抵還洋款各該省京協各餉以及本處防餉等項向取給心釐金者勢必驟

形短絀是以歷年臣部籌款奏明撥補在案今本年自三月十一日起七處釐金仍由稅司代徵各該省所短釐金五百

萬兩自應仍由臣部照案撥補謹將籌各款開列清單呈 御覽並請 旨飭下各省督撫轉飭按照單開數

目分別撥解免收以清款項惟是各省所短釐金既經臣部指款撥補在協解省分固當不分畛域勉籌協濟在受協省

分尤當力為其難凡向來應解京餉等項仍照常報解不得藉口出入不敷任意截留致有貽誤所有撥補釐金緣由理

合恭摺具陳伏乞 皇太后 皇上聖鑒謹 奏光緒二十二年二月初四日具奏奉 旨依議欽此

戶部片 再查財政得失之原要視貨幣之周轉盈虛相與消息外洋各國多由興商致富全國之人無論官民凡積有

貲財者莫不出而權子母而一切農工商業各種銀行資為流轉用能交相挹注商務繁興中國風氣初開商民向多不

善居積而官場之素席豐厚者更鮮能講求貿易廣闊利源上年商部奏定獎勵公司章程曾聲明如有世家巨族出資

湊集公司者亦均照章給獎誠以官場壯於積習恥言經商以致官商終多隔閡亟宜破除成見使官商畛域不分現在

設立銀行一切參仿各國銀行章程辦理凡官紳商民人等有在銀行入股及存放款項須應按照商辦法妥為收存

營運不能問其款之所從來且款項既存行內銀行即有保護之責雖該款有何關係輾轉之事非持存款人憑券不論

何人均不得向銀行強迫查察致該款或有損礙如此曲盡保護庶官商上下咸曉然利益之所在自樂出其貲財藉取

什一之利而貨幣因以流行通暢財政必有起色商業亦可漸興臣等為聯合官商共圖公益起見是否有當謹附片具

陳伏乞 聖鑒謹 奏光緒三十一年十月十三日奉 旨依議欽此

戶部片 再臣等前奏試辦銀行從京師天津上海等處先行設立現在三處業經開辦亟應逐漸推廣以便流通宜

漢口一埠通商最早加設南北鐵路開通商務日見繁盛已經臣部指定為分行之地自應及時開設用資聯絡惟銀行

關係重疊必須辦理得人方足以專責成而資督率臣等公同商酌查有山東兗沂曹濟道黎大鈞老成練達操守廉潔

前在臣部當差於財政亦講求有素擬請將該員開去本缺派充漢口戶部分行總辦以專責成如蒙 俞允即由臣

部飭飭該員前往開辦並咨行山東巡撫轉飭遵行所有請派道員充作漢口戶部分行總辦緣由理合附片陳明伏乞

戶部片 再洋款還金以隨時市價為準上海係通商口岸交易會萃之場從前因還款尚少即由總理各國事務衙門

飭飭江海關道就近 手經理自庚子以後新舊洋款積至四千餘萬幾居中國財賦之半磅價有低昂出入即已不少

現在江海關道交涉日繁此 尤關重要必當力求審慎期於得人共理查有奏派總辦上海分行四五品京堂東宗燾

綜核精詳究心財 且還款買磅一切事宜亦國家銀行所應周知擬即派令該京堂就近與該關道會同商酌辦理並

隨時稟報臣部稽 庶昭縝密謹附片具陳伏乞 聖鑒謹 奏光緒三十一年十二月初四日奉 旨依議欽此

奴才陳桂跪 奏為審明調姦未成致本婦追悔羞忿自盡並將姦人犯暨擅自傳訊之已革旗員按例 別定擬恭

摺具陳仰祈 聖 事竊查伯都訥廳民人傅泳因調姦民婦席韓氏未成致該氏被傳羞忿吞服洋煙毒斃身死一

案前因原審委員雲騎尉春壽恃符狡展經前將軍長順于光緒二十九年十月十八日附片 奏奏先 革職歸案審

辦等因十一月十一日原片附片恭奉 硃批著照所請該部知道欽此欽遵當經恭錄轉行遵辦去後茲據署伯都



席韓氏夫婦竇席氏鄰人王德山等踵至查詢傳永轉身逃逸嗣席韓氏因被欺辱哭泣不休竇席氏再三勸解許將傳永尋獲送交席韓氏始照常安度是月二十九日傳永行經席韓氏門首被竇席氏扭送查街處署押五月初一日已革雲騎尉春壽在查街廳值班因查原告席韓氏距城不遠一時無知起意就近傳質明晰以便移廳審辦即私派該巡勇恩貴於初二等日兩次往傳席韓氏質訊席韓氏因羞澁未至初四日早春壽復派恩貴前往催傳席韓氏答以是日早晚必到恩貴亦即迴回而席韓氏於被傳後追悔號泣聲稱被人欺辱尚須對質終難以為人莫如當時畢命乾淨竇席氏仍向勸慰席韓氏追悔羞忿莫釋不識何時潛服洋煙是日午刻巡同竇席氏赴查街處投質春壽立提傳永集訊因見席韓氏顏色發變疑有別故未及細詢即飭恩貴與竇席氏將席韓氏領回竇席氏等途次盤知服毒情由席韓氏旋即殞命經伯都訥副都統衙門將案送廳竇席氏因痛席韓氏情切即以春壽逼畫成口供等詞總廳驗看旋因春壽恃符狡展復經前將軍長順奏奉 硃批將雲騎尉春壽先行革職歸案審辦飭廳提犯研鞫據供前情不諱質明春壽委無逼畫成口供情事究詰至再矢口不移案無近飾查例載調姦未成和息之後因人恥笑本婦追悔抱忿自盡者將調姦之犯杖一百流三千里又律載勒罪無正條援引他例比附定擬各等語此案傳永向席韓氏調姦未成席韓氏被辱哭泣經席韓氏之夫姊竇席氏勸息並將該犯扭送查街處看押嗣因委員春壽飭勇傳質致席韓氏被傳追悔羞忿吞服洋煙自盡身死若照但經調戲本婦羞忿自盡例擬以絞監與未經送官本婦即時自盡者無所區別徧查律例並無恰合專條自應比例問擬傳永應請比依調姦未成和息之後因人恥笑本婦追悔抱忿自盡者將調姦之犯杖一百流三千里遵照新章免其杖責查該犯恭逢光緒三十年正月十五日 恩詔事犯在正月初一日以前覈其情罪係調姦未成比例擬流不在部議條款不准援免之列應請准其援免後再有犯加等治罪已革雲騎尉春壽身充查街處委員併無接受詞訟傳訊之責乃敢屢派巡勇恩貴往傳席韓氏質訊致釀人命雖訊無逼畫成口供口供情事究屬專擅應請酌懲 制律擬以杖一百業經 奏參革職應毋庸議竇席氏原控春壽逼畫成口供訊無其事未免失實惟饑哀痛所致且事在 赦前應與奉派往傳之巡勇恩貴一併請寬免置議韓氏茅檐少婦因被傳詠語言調戲揭軀明志洵屬節烈可嘉擬請 旌表以維風化無干省釋屍棺飭屬領埋除將全案供招咨送刑部查核并分咨查照外所有審明擬議緣由理合恭摺具陳伏乞 皇太后 皇上聖鑒敕部覈議施行謹 奏光緒三十一年二月十四日奉 硃批刑部議奏欽此